



DEKLARACIJA O OSUDI NASILJA U GAZI

Općinsko vijeće Općine Stari Grad, u ime građana Starog Grada, usvaja Deklaraciju u kojoj stoji:

-Osuđujemo okupaciju Palestine i nasilja i zločina nad građanima Gaze

-Tražimo hitno zaustavljanje svih vojnih akcija usmjerenih protiv stanovništva Gaze

-Posebno osuđujemo napade na bolnice, civile i djecu, kao i druge vojne akcije protivne međunarodnom pravu i deklaracijama o zaštiti civila tokom vojnih akcija

-Tražimo što hitniju implementaciju rezolucije Vijeća sigurnosti UN-a 242 iz 1967. godine u kojoj se traži povlačenje izraelske vojske sa okupiranih teritorija, međusobno priznanje država Palestine i Izraela i međusobno poštivanje međunarodnih granica, suvereniteta i prava na život u miru.

Građani Sarajeva i Starog Grada sa posebnom zabrinutošću i bolom prate dešavanja u Gazi i sa nevjericom svjedoče strašnim zločinima nad stanovništvom Gaze, posebno djecom.

Mi vrlo dobro razumijemo, s obzirom da smo i sami proživljavali okupaciju, ubijanje civila i djece i druge ratne zločine. Stoga, tražimo da se čim prije zaustave vojne akcije Izraela i neselektivno ubijanje civila i pokrene implementacija rezolucije UN-a 242 o dvije države.

Građani Starog Grada poručuju građanima Gaze i Palestine da stojimo zajedno s njima u njihovoj boli i patnji i da ne želimo da šutimo na nepravdu i zločine pred očima svijeta.

Vijeće će čim se za to stvore uslovi pružiti pomoć narodu Gaze u skladu sa svoji kapacitetima.

Molimo Boga za trajni mir u Svetoj zemlji i za miran suživot i međusobno poštovanje država i građana Palestine i Izraela.

Općinsko vijeće Stari Grad Sarajevo

